

Paerewa Paetae

Aronga Te Reo Rangatira 1.7

Ingoa Te tātari i te reo kōrero

Kaupae 1 **Whiwhinga** 3 **Aromatawai** Ā-roto

Marau akoranga Te Marautanga o Aotearoa

Kokonga akoranga Te Reo Rangatira

Mana rēhita Kua rēhitatia **Te rā i mana ai** 12 Hakihea 2013

Te rā e arotakengia ai 31 Hakihea 2020 **Te rā i puta ai** 12 Hakihea 2013

Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Paetae

ā-Waha, Rautaki Reo

5 *Ka arohaehae i ngā kōrero me ngā tuhinga Māori ake i runga i te hāngai ki te kaupapa, ki te momo reo me te kaipānui, kaiwhakarongo rānei.*

ā-Tinana, Āheinga Reo

1 *Ka mārama ki te reo ā-tinana i ngā horopaki huhua, ahakoa ōpaki, ōkawa rānei.*

E hono ana ki te Papa Whakaako mō Te Reo Māori kei te pae ipurangi nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Paerewa Paetae

Paetae Te tātari i te reo kōrero.	Hei tohu i te paetae: <ul style="list-style-type: none"> • Ka tautohu i ngā tikanga me ngā pānga o: <ul style="list-style-type: none"> – te horopaki – ngā ariā matua – ngā nuka reo – te reo ā-tinana me ngā hanga reo.
Kaiaka He kaiaka te tātari i te reo kōrero.	Hei tohu i te kaiaka: <ul style="list-style-type: none"> • Ka whakaahua i te pānga o ngā āhukatanga o te reo kōrero, arā, ko: <ul style="list-style-type: none"> – te pānga o te horopaki – te tuitui whakaaro – te tika o ngā nuka reo – te hāngai o te reo ā-tinana me ngā hanga reo.
Kairangi He kairangi te tātari i te reo kōrero.	Hei tohu i te kairangi: <ul style="list-style-type: none"> • Ka mārama ki te pānga o ngā āhukatanga o te reo kōrero kia whaihua ai te kōrero, arā, ko: <ul style="list-style-type: none"> – te raranga whakaaro – te tuitui āhukatanga reo kōrero (arā, ko ngā nuka reo, ko te reo ā-tinana, ko te hanganga kōrero, ko te aha atu, ko te aha atu).

Kōrero Āpiti

1 E whai ake nei ko te whakamāramatanga o ngā kupu whaitake, kīanga rānei:

tātari i te reo kōrero	Ko te arohaehae i ngā āhukatanga o te reo kōrero i mārama ai ngā whakaaro o te kaikōrero, kia whaitake tana kōrero, ā, kia aro mai ai te hunga whakarongo.
nuka reo	He tikanga motuhake hei kawē whakaaro, hei kawē kōrero. Ko ētahi o ngā nuka reo i tēnei paerewa ko te kīwaha, ko te whakataukī, ko te whakatangata, ko ngā kupu honohono.
reo ā-tinana	Ko ngā nekenekehanga, ko ngā mahi ā-ringa, ko te āhua o te kanohi, ko te whakatautau, ko te ihiihi o te kōrero.
hanga reo	Ko te kaha o te reo, ko te manawataki, ko te tangi, ko te wairua (ihi/wehi/wana).

2 He whānui ngā momo reo kōrero ka taea: he reo ōkawa, he mihimihi, he poroporoaki, he kauhau, he reo ōpaki, he paki, he aha atu, he aha atu.

Kuputaka:

hanganga kōrero

structure

kupu honohono

conjunction

nuka reo	literary device
paki	story, joke
tātari	analyse
whakatangata	personification
whakatautau	dramatic gesturing

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233